

Ex director di UNICEF Nils Kastberg durante Conferencia di Reino

“Abuso di mucha ta un violacion di soberania”

ORANJESTAD – Soberania berdadero di un pais ta su hendenan y e ta cuminsa cu yegada di un mucha. Lantando mucha den un ambiente safe, ta un ehercicio di soberania, cu mester envolve tur hende, no solamente gobierno, pero henter e comunidad.

Esaki ta e mensahe principal di e abogado di derechonan di mucha y ex director regional di e UNICEF pa Latino America, Nils Kastberg, durante su presentacion durante e conferencia di reino diaranson cu a pasa. “Ora cu muchanan wordo abusa, nos ta ataca e soberania di paisnan,” el a bisa.

Derechonan di mucha den Caribe Hulandes y con pa mehora e derechonan aki, lo ta un di e topiconan principal di e conferencia. E rapport di 2013 di UNICEF Hulanda riba derechonan di mucha den Caribe Hulandes, ta e rason directo pa pidi e gobierno Hulandes pa pone derechonan di mucha riba e agenda di e Conferencia di

Reino pa 2014.

Kastberg, kende ta staciona na Panama durante su funcion como director regional for di 2003 pa 2009, a adresa e asunto di violencia contra mucha, algo cu muchanan ta enfrenta tur caminda na mundo, no solamente den paisnan pover, pero den esunnan rico tambe, den famianan pover y rico.

Paisnan Caribeense y Latino Americano ta enfrenta retonan grandi: hopi hoben ta comprometi den actividadnan criminal, mientras un asunto serio manera abuso fisico, mental y sexual, no ta wordo papia ariba. “Nos no ta papia riba violencia na cas, pero nos mester haci esey, ya cu e miho amigo di violencia ta silencio,” Kastberg a bisa, kende originalmente for di Suecia. Un asunto cu tambe mester di wordo adresa ta e papel di homber y tata. Tatanan ta esunnan mayoria biaha ausente den Caribe y nan no ta asumi nan responsabilidad pa nan muchanan. “Nos mester di role mod-



els,” Kastberg a bisa, kende tambe a mostra cu violencia contra mucha mayoria biaha a wordo cometi pa hende homber. “Esaki mester cambia. Homber mester sa cu nan ta fout.”

Teniendo e rapport di UNICEF riba derechonan di mucha den Caribe Hulandes ta e prome paso. “E hecho cu nos tin un rapport ta un mehora. Nos ta hopi contento cu e rapport aki; nos tin un direccion pa bay awo. Pero lo tuma algun tempo pa cambia.”

Kastberg tin hopi pa sa den e area di derechonan di mucha y e problemanan cu muchanan den Caribe ta enfrenta. Kastberg lo intercambia di idea cu e delegacion riba maneranan con pa mehora e situacion di bida di muchanan. E meta ta pa haya paisnan bay di acuerdo riba forma un plan di accion di cual un coordinador, un pa pais, lo wordo nombra. E persona aki lo traha cu diferente sector den comunidad y nan lider. E idea ta pa organisa dialogo riba derechonan di mucha

den e paisnan.

Pa november, e limite inicial di e plan di accion lo ta pa ta cla pa asina pa februari por tin puntonan di accion concreto, cu por wordo discuti pa e momento durante e proximo conferencia di Reino. Kastberg a bisa cu lo ta bon pa envolve un organizacion of universidad pa guia y monitor e proceso.

Tackling violencia ta no solamente un responsabilidad di gobierno, pero di e comunidad en general, incluyendo mayor, maestro y sector priva. “Un mucha tin mester di sosten y guia di henter e comunidad pa crece,” Kastberg a bisa. Gobierno mester provee un polisa stabiel y cla riba e asunto aki.

Un estudio internacional a mostra cu violencia ta sosode den cinco area: na cas, na scol, den institucionnan, den comunidad traves di por ehempel gang, den barrio y labor infantil. Mayoria violencia ta tuma luga na cas y na scol, Kastberg a relata finalmente. □